

**GrønlandsBANKENip 2014imi inuiaqatigiinni
akisussaaqataanera pillugu nassuiaat.**

A stylized blue bird logo, possibly a puffin, is positioned in the lower half of the page. The bird is facing right and has a white circular eye. Its wings are spread, with white curved lines representing feathers. The text 'Pakkussineq' is written in a blue, italicized font across the bird's body.

Pakkussineq

Indholdsfortegnelse

Aallarniut	3
1. Inuiaqatigiinni akisussaaffigisat pillugit isummer-suutit aammalu suleriarnissamik siunnerfiit.....	4
2. 2014imi ingerlanniakkat anguniakkallu	7
Aningaasalerinermik paasinnineq	7
Siunnersorneqarnissamut taarsigassarsinikkullu aningaasalersuisinnaanermut aqutissat pitsaanagerusut .	9
Pakkutarinninninnermik suliaqarnermi namminerlu piumassutsimik suliqataanerni akuliusimanerit	10
Sullissarisat	13
Sulisorisat	14
Suliffigisap avatangiisii, Isumannaassuseq peqqinnissarlu	16
Avatangiisit piujuaannartitsinerlu	17
Qulequttat sammisassallu UN Global Compactimut attuumassuteqartut	19
3. Aningaaseriviup inuiaqatigiinni akisussaaqataanermut atasumik suliaanik nalilersuineq.....	22
4. 2011imiit 2015imut angusat anguniakkallu pillugit takussutissiissusiaq	23
Isummanik saqqummiussinissaq takanna!.....	24

Aallarniut

GrønlandsBANKENip inuiaqatigiinni akisussaassuseqarluni sulinissamut kajungerneranut pissutaapput aningaaseriviup inuiaqatigiinni erseqqaarissumik inissisimasuunera, Kalaallit Nunaanni aningaasaqarnermut sunniuteqarnera aammalu minnerunngitsumik sulinermut atatillugu inissisimanerit kisiisa pinnagit aningaaseriviup sulisuisalu inuiaqatigiinni qanoq naleqartitsinerulersinnaanerannik eqqarsaatit.

GrønlandsBANKENip tunngaviatigut inuiaqatigiinni akisussaassuseqartumik ingerlatsiniarnerani pingaartoq tassaavoq aningaaserivittut sulinermi inuiaqatigiit kalaallit tungaannut oqimaaqatigiissitsiniarnissaq patajaassutsip ineriartornerullu akornanniittumik. Ingerlaavartumik suliniutigiumavarput piujuaannartitsineq tunngavigalugulu ineriartornermik pilersitsinissaq aningaasaqarnikkut patajaassuseq innarlernagu.

Aningaaseriviup pingaartitai, anguniakkatut siunnerfii aammalu suleqatitta tunuliaqutitta naatsorsuutigisaat tunngavigalugit aningaaseriviup CSRimik suliaqarneranut atatillugu eqqummaariffigisassat pingaarnerit pingasuusut aaliangiunneqarput makkuusut:

- 1) Aningaaserinermik paasinninnissamik annertusaanissaq
- 2) Aningaaseriviup nalinginnaasumik niuerfimmi sammisaasa avataatigut siunnersuinermik taarsigassarsiniarsinnaanermullu aqqutissiuussilluni ammaaniarnissaa
- 3) Isumaginninnermik/pakkutarinninnermik namminerlu piumassutsimik tunngaveqartuni suleqataaneq

2013ip upernarnerani UN Global Compactimut ilanngunnikkut aningaaseriviup aamma tapersorsorlugit neriorsuutigivai FN-imi periutsit aaliangiussat quliusut inuit piginnaatitaaffiit tunngasut aallaavigissallugit, sulisut piginnaatitaaffiit tunngasut, avatangiisinut tunngasut aammalu anngiortumik unioqqutitsilluni suleriaaseqarnerit akiorniarlugit sulinermi siunnerfiit atuutsilesilerlugit malissallugitt. Taaneqartut saniasigut aningaaserivik nammineq piumassutsimik tunngaveqartumik ingerlatsinernik, FNip piujuaannartitsineq tunngavigalugu ineriartortitsinissamik anguniagaanut naapertuuttunik suliaqartarniarpoq.

Aningaaseriviup UN Global Compactip malitassiissutai quliusut iluini sulinermik nalunaaruteqartarnissap saniatigut una nassuiaat aamma suliarineqarpoq, takukkit naatsorsuutininik nassuiaasiami § 135 aamma §135a mi allassimasut.

Nuuk, ulloq 17. februar 2015

Martin Kviesgaard
Aningaaserivimmi pisortaq

1. Inuiaqatigiinni akisussaaffigisat pillugit isummer-suutit aammalu suleriarnissamik siunnerfiit


GrønlandsBANKENip siulersuisuisa GrønlandsBANKENip inuiaqatigiinni akisussaaffini pillugit isummersuutai suleriarnissamillu siunnerfii akuerinikuuai.

Aningaaseriviup suliaqarnerani qallertut anguniagaq tassaavoq inuiaqatigiinni unammilligassaasut aaqqinniarninerini peqataanissaq Kalaallit Nunaanni piujuaannartitsineqtunngavigalugu ineriartortitsinissaq pilersikkumallugu. Aningaaseriviup inuiaqatigiinni akisussaqaataasut sulinerani tunngaviuvoq "Kalaallit Nunaanni suliffeqarfiit pitsaanersaattut" inissinnissaq pilersitaasoq aningaaseriviup qitiusumik pingaartitai aallaavigalugit (sulianut piginnaaneqartuunissaq, peqqissaartuunissaq, tunniusimasuunissaq aammalu inissaqartitsisuunissaq) kiisalu kissaateqarneq sulisut piginnaaneqarfiginerpaasaannik atuinissaq pitsaasumik angusaqarnikkut sunniuteqarluartumik.

Niuernerup iluani CSR (Corporate Social Responsibility / Sulffeqarfittut pakkutarinninnissamut akisussaassuseqarneq) tunngavigalugu sulinermi anguniakkat tassaapput aningaaseriviup isigineqarnerani qaffaasaanissaq aningaaserivittut tatiginartut patajaatsutullu. Taamatut tusaamasaassutigalugu isigineqarneq sullissanut tuniluuttarpoq aammalu sulisorisat ilumoorluinnartumik sulerusulernerannut taamallu ililluni qularnaveerqquserneqartarluni piffissami ungasissumut ingerlasumi naammaginartumik aningaasatigut angusaqarnissaq. Soqutiginneqaqatigisat akornanni sulerusissat aaliangiutsinnagit, aningaaseriviup anguniakkat anguniarnerini paasisanut sanilliussuinikkut ingerlatsinerit pipput, taakkulu tunngavigalugit eqqummaariffigisassat pingaanerpaat pingasut, aningaaseriviup inuiaqatigiinni suliniutissamini tamaviaarutiginerpaasassai, tunngavilerneqarlutik:

- Innuttaasunit **aningaaserinerup suuneranik paasisitsiniarneq** inoqatigiikkuutaat amerlanerit ikiorsinnaajumallugit pitsaanerusumik aningaasaqarsinnaalernissaasa qanoq periarfissaqarneranik
- **Siunnersorneqarnissamut taarsigassarsinikkullu aningaasaliisoqarsinnaanermut ammaassinikkut** aamma aningaaseriviup nalinginnaanerusumik niuerfigisaasa avataasigut.
- Siuarsaavigissallugu sulisorisat **pakkutarinninnermik aammalu nammineq piumassutsimik sullissinnermik** peqatigiiffinnut pilersaarutinullu tunniussinikkut.

GrønlandsBANKEN tassaavoq Kalaallit Nunaata tamarmiusup aningaaserivia tamannalu pisuni inuiaqatigiinni akisussaaqataanermik suleriaasissap akuerineqarnerata kingorna peqataaffiginikuusarpasuarni soorlu aamma qulequttatut atorneqartarsimasoq. Erseqqissaasiami 1imi aningaaseriviup inuiaqatigiinni akisussaaqataanerup iluani suleriaasissamisut ilusiligaa takuneqarsinnaavoq. Suleriaasissatut aaliangiussaq pillugu aamma www.banken.gl aqqutigalugu paasiniaanerusoqarsinnaavoq.




Titartagaq 1 Inuiaqatigiinnut akisussaaffimmud politikil ingerlatseriaaserlu

Aningaaseriviup immikkoortortaqarfii akimorlugit eqqumaariffigisassatut qulequtsiussat pingasut suleqatigiissataliunneqarnikuupput.

Eqqumaariffigisassatut qulequtaatitat pingasut saniasigut ingerlaavartumik aamma pingartitatut isigineqassapput avatangiisinut tunngasut aammalu piujuaannartitsinissamut tunngasut, piukkunnarsartuarnissamut tunngasut aammalu aningaaserivimmi sulisunik ilinniartitsinermut tunngasut. Qulequttat immikkut ataatsimiititaliunneqarnikuunngitsut kisiannili ulluinnarni ingerlatsinermi ilaatinneqartut. Qalliusumik inuiaqatigiinni akisussaaqataaneremut sammisut allaffissuarmi pisortap ataani ingerlanneqarput, tassunga atatillugu takukkit erseqqissaasiami 2mi saqqummiussat.

Allaffissuarmi pisortaq ingerlaavartumik suliap qanoq ingerlanera pillugu aningaaseriviup qullersaanut ilisimatitsissuteqartarpoq.



Titartagaq 2 Inuiaqatigiinnut akisussaaffimmi sulianik aaqqissuussineq

Aningaaseriviup CSR-imut atatillugu suleriaaseriniagaata atuutilersinneqarnissaa tigummineqarpoq aqutseqatigiititaliamit, tassani inuttaallutik allaffissuarmi pisortaq, CSReqarnermut allatsi, eqqummaariffigisassatut pingaarnertut aaliangiussanut akisussaasutut ataatsimiititaliat, Sulisoqarnermi pisortaq, tusagassiornermi tuniniaanermilu suleqatigiissut aquttuat kiisalu sulisut sinniisuutitaat.

***Pakkusineq – omfavnlse –sulisunit toqqarneqarpoq
GrønlandsBANKENip inuiaqatigiinni akisussaaqataasutut
sulinermi atissaatut.***

GrønlandsBANKEN CSR Greenlandimik pilersitseqataasuullunilu ilaasortaavoq. Martsip qaammataagaa 2013 GrønlandsBANKEN aamma UN Global Compactimi peqataalerpoq. Taanna FNip ataani ingerlataavoq tassaalluni suliffeqarfiit ingerlatsiviillu pakkutarinninnikkut akisussaaffii pillugit suliaqarfiusoq.

Tassani ilaasortaasut malitassamittut pisussaaffeqarfigalugit akuerinikuusaat qulequttat quliusut sulinermi tunngaviupput. Suliniutit ilagivaat inuit piginnaatitaaffiinut tunngasut, sullivinni sulisuusut piginnaatitaaffiinut tunngasut, anngiortumik unioqqutitsillutik sulisoqannginnissaanik qulakkeerinninnissamut tunngasut aammalu avatangiisinut tunngasut. Ilaasortat ukiut tamaasa suliniutit qulit iluini malinnaaniarnerminni qanoq ingerlanertik nalunaarutigisassavaat. GrønlandsBANKENip nalunaarusiaa siulleq tunniunneqarpoq martsip qaammataani ukioq 2014. Tullia tunniunneqassaaq martsip qaammataani ukioq 2015.

UN Global Compactimut ilanngunneq pitinnagu misissuisoqarpoq, tassani GrønlandsBANKENip qulequttanut quliusunut qanoq inissisimanagera misissuiffigineqarluni. Misissuinerullu takutippaa

GrønlandsBANKENINimit qulequttat ataasiakkaat naleraralugit siunnerfeqarluartumik suliniklut naapertuilluartumik ingerlalersinnaasoq. Sammiviit pingaarerit makkuupput

- Inuit piginnaatitaaffiit atatumik siunnerfiliuussineq
- Anngiortumik unioqquitsinerusumik sulisoqannginnissaanik qulakkeerinninniarluni sulinissamut siunnerfiliuussineq
- Akisussaassuseqartumik pilersuisunik aqutsineq
- Niuernertarnissamut atatumik siunnerfiliornissaq
- Avatangiisit siunerfiillu pillugit tunngavissaliuussinissaq

2014imi UN Global Compactimut ilanngunnermut atatillugu 2014imi siunnerfiliortoqarlunilu akuersisoqarpoq anngiortumik eqqunngitsuliorluni sulinerup akiornissaanut, tunissuteqartarnernut avatangiisinullu atatillugu, suleriaasissanik. Kiisalu 2013-2014 pisussat suliniutillu, sulisut piginnaatitaaffiit inuillu piginnaatitaaffiit sammisut aallartinneqarput. Isumalluaatigineqarporlu aningaaseriviup pineqartunut naapertuilluartumik ingerlajumalluni suliniutissai 2015imi suliarineqarumaartut. Tamatuma kingorna aallartinneqartut angusallu pillugit nalunaaruteqartoqarumaarpoq.

2. 2014imi ingerlanniakkat anguniakkallu

Allani tulliuuttuni sammineqassapput CSR aqqutigalugu pisut suliniutillu, siumukartumik ingerlatsineq aamma siunnerfiusutut qulequtaritinneqartunut sammisut iluini saniatigut suliniutiginiarneqartut aammalu UN Global Compactimi peqataanermut attuumassuteqartut.

Aningaasalerinermik paasinnineq

”Suliniarpugut inuiaqatigiit kalaallit akornanni aningaasaqarnermut tunngasunik paasinnineq qaffassarumallugu tassuuna innuttaasut ataasiakkaat aningaasaqarnikkut periarfissaat annertusarumallugit tamanna aqqutigalugu isumaginninnikkut ajornartorsiutit ikorsiivigiumallugit aammalu siammassissumik isigalugu atugarissaarneq qaffassarumallugu. ”
(GrønlandsBANKENip inuiaqatigiinni akisussaaqataanera pillugu suliniutaanit tamakkiisumik allasimasunit tigulaagaq).

Qassit.gl imik taasap ataani ippoq GrønlandsBANKENip paasisassat silarsuaani allatorneqarsimasut 2014ip ukiaanerani atorneqalersut. Taaneqartumi saaffigineqartut tassaapput nalinginnaasumik atuarfimmi klassini angineriittut (8.-10- klassiniittut.) ilinnisuaq ulluinnarni aningaasaqarnermut atatillugu

matematikimik inuiaqatigiillu pillugit atuartitsinermit ilapertuutaasinnaavoq. Ilinnisiaq pinnguaasiaavoq qulequttat pingasut "Efterskolemi atualerusunneq", "Kisimiilluni angerlarsimaneq" aammalu "Illoqarfik nutaaq" tunngavigalugit suliassartalerlugu pilersitaq. Taamatut iliorluni Qassit.gl aningaasaqarnermit kisitsinermullu tunngasut iluini paasinninnissamik annertusaataavoq ulluinnarni iluaqutaallutillu atorneqasinnaasunik aammalu siunissami takorluukkat siunniussallut iluini piviusunngortitsiniarsinnaanermik sammisaqarnermi atorneqasinnaasumik.

Qassit.gl imik ineriartortitsineq makku qanimut suleqatigiilluinnarlugit suliarineqarpoq: Inerisaavik, Serious Games Interactive, Deluxus Studio, Voice of Greenland aammalu siunnersorti assingusunik suliaqarnermik misilittagaqartoq. Ilinniartitsisut atuartullu immikkut toqqakkat arlaqartut aamma suleqatigiissitatut suliaqartitsinerm, sulianik oqallinnertalimmik saqqummiussuisarnerni aammalu atuisunut misilittaarni, pingaaruteqarluinnartumik suleqataasimapput. Taamatut iliornikkut Qassit.gl atorlugu angujumaneqartut pingaarnerit tungaannut ilinniartsitsisussaannullu saqqummiussineq pitinnagu misilittaaqqaartoqarpoq.

Namminersorlutik Oqartussat matematikimut inuiaqatigiilerinermullu atatillugu ilinniartitsinikkut angorusutaat Qassit.gl imit ilapertorneqarput pinnguaasiamullu atasumik ilinniartitsisunut ilitsersuutitaqarpoq, atuartunut suliassanik atuagartaqarluni aammalu atuagartaligaavoq ilassutitut kisitsisilerinermi sammineqarsinnaasunik.

Pinnguaasiaq browseri tunngavigalugu qarasaasiakkut pinnguarineqarsinnaasunngorlugu suliaavoq aammali pinnguaat qarasaasiakkut aariarlugu toqqorlugu qarasaasiakkut tabletikkulluunniit atorneqarsinnaallun imal. USB atorlugu allanut agguanneqarsinnaalluni.

Aningaaseriviup ilinniartitsissusiaa atuartunut anginernut atugassanngorlugu 2014imi nutarterneqarsimavoq. Siunnerfik tassaasimavoq pilersitsinissaq Qassit.gl ikkut ilinniartitseriaatsinut illuatungiliussinnaasoq aammalu ukkatassat isigineqarsinnaasut eqqarsaatigalugit. Tamanna aqqutigalugu pilersinneqarnikuupput ilinniartitsinissamut tunngavissiat nutaat pingasut pilersaarusoqqaarnermi tunngaviliussat aammalu piviusumi inuuneq qimannagit. Ilusilersukkat nutaat efterskoleliarusukkaanni sipaarnissamik, snescooteritaarniaraanni imal. angerlarsimaffigisamit allamut nuunniaraanni sipaarnissamik aallaaveqartinneqartut. Saniatigullu aningaaserivik ingerlaqqippoq aningaasaqarnermik paasinninnermik qaffassajumanermut atatillugu saniatigut ilinniartitsissutissanik suliaqarluni. Taakkunani qulequtaasut tassaapput: 1) Piginnaaninngorsaaqqinnerni ingerlaqqiffittullu ilinniarfinni ilinniartunut sammisassiat, 2) aalisartunut piniartunullu ilinniartitsissutit, 3) Savaatilinnut ilinniartitsissutit. Inerisakkat taaneqartut atorlugit aningaaseriviup sulisui sakkussaqaalerput soorlu illoqarfinni immikkoortortaqaarfiusut atuarfiini ilinniartitsisinnaanissamut. Aamma suliffeqarfinni akuttunngitsumik ilinniartinneqartarput soorlu assersuutigalugu Nuummi Brugsenimi nunattalu kujataani ilinniartuusut.

Nutaatut aningaaserivimmi Inuussutissarsiornermit Immikkoortortaqaarfik 2014imi Kukkuersiuisartut Deloitte aammalu Nuummi Niuernermit Ilinniarfik suleqatigalugit Business Combatimik taasamik aqqissuivoq ingerlatsillunilu. Business Combat tassaavoq ikinngutinnerpalaartumik, ilinniarsimasat tunngavigalugit unammisitsineq sumiiffimmi suliffeqarfiutillit niuernemillu ilinniagaqartut akornanni, aallaavigineqarluni takorluukkamik suliffeqarfimmik aqutsinissaq. Holdit tamatumani aaliangigassanik soorlu akinut tunngasunik, tuniniaanermut tunngasunik, tunisassiornermit tunngasunik aammalu

atuilluarneissamut tunngasunik unammugassinneqartarput. Qarasaasiap kisitsisinik nalilersuereernerata kingorna holdit qaammatinik pingasunik aallaaveqartunik nalunaarutininik pissapput ingerlanermilu tuniniaaviumi pissutsit allangoriartortinneqartarput assersuutigalugu politikkikkut aaliangiinerit peqqutigalugit. Ajugaasut tassaasarput naggataatigut pitinneqartut naatsorsuinerminni ilanngussoreerlugit pitsaanerpaamik angusaqartut. Business Combatimik taallugu ilinniartitsissusiaq siullermeersumik Kalaallit Nunaanni ingerlanneqarpoq GrønlandsBANKENilu pisoqaqqinnissamut tapersersuivoq.

Aningaaseriviup Inuussutissarsiornermut Immikkoortortaqarfia aamma qanimut pilersitsisartunik/aallartitsisartunik siunnersugarisartakkaminik qanimut oqaloqateqartarpoq. Assersuutissaqqissutut taaneqarsinnaavoq immikkoortortaqarfiup Sermersooq Business Council ikiornikummagu oqaloqatiginninnissamik assigiinngitsunik aqqissuinerani, tassani peqataallutik taaneqartut pilersitsisartut/aallartitsisartut. 2014imi pilersitsisartunut/aallartitsisartunut siunnersuineranut akunnerit 127it atorineqarsimapput tassa pilersaarutaasut akunnerit 125it sinnilaarlugit. 2015imi naatsorsuutigineqarpoq siulianitupajaaq ingerlasoqaqqikkumaartoq.

Aningaaserinermik paasinnineq qaffassarlugu suliniuteqarneq suleqatigiissitaliamit Nuummi sulisunit inuttaqartumit, aqqissuunneqarpoq.

Siunnersorneqarnissamut taarsigassarsinikkullu aningaasalersuisinnaanermut aqqutissat pitsaanerusut

”Sallertut sullissivitta (illoqafiit annerpaani ittut) avataanni siunnersuinissamut taarsigassarsisitsinnaanermullu aqqutit atoruminarninngorsarusuppai . Annertunerusumik innuttaasunut aningaasaqarnermut aningaaserinermullu tunngasutigut ilisimasaqarnerput atorlugu qanganit annertunerusumik aningaasaqarnikkut taarsigassarsisinnaanikkullu periarfissatigut ammaassiviginiartariaqarpagut. (Ataatsimoortumik GrønlandsBANKENip inuiaqatigiinni akisussaaqaataaneq pillugu nassuiaasiaanit tigulaagaq).

2011imi decemberip 6iani karseqarfittaqanngitsumik immikkoortortaqarfik – Apparaq – Aasianni (3.150it miss. inoqartumi) ammarpoq. Taamak iliornikkut Aasianni innuttaasunut siunnersorneqarnissamut taarsigassarsiniarsinnaanissamullu periarfissat pitsaanerulersinneqarput. Aallartitsineq aallaqqaataani misiligutaavoq qaammammi sapaatip akunnerani ammatinneqartartumik, sunniutit aningaasatigullu tunngaviit aaliangiisuussallutik taamatut karseqanngitsumik immikkoortortaqarfimmik ataavannerusumik ammatitsisoqartalissanersoq. 2013imilu novemberip qaammataani immikkooortortaqarfik pineqartoq nalinginnaasumik ammatinneqartalerpoq aammalu 2014imi upernaakkut GrønlandsBANKEN immikkooortortaqarfittaminut iserterluni.

Aasiaanni siunnersorneqarnerup taarsigassarsinnaanerullu iluini periarfissat pitsaanerulernerisa saniatigut GrønlandsBANKEip niuernermigut SCR-mullu tungasutigut annertusaaneratigut aamma Tunumi illoqarfiit annersaanni Tasiilami (1050 miss. Inoqartumi) aallutat annertusipput. Taanna GrønlandsBANKENimit ukiumut marloriarluni tikeraarneqartarpoq. Tasiilamut tikeraarnerit sapaatip akunneranik sivissuseqartarput aningaaseriviullu anguniagaraa siunnersuilluni ataatsimiisitsinerit amerlanerpaat aammalu aningaaserinermik paasinninnerunissamik suliniutit imaluunniit nammineerluni aaqvigigisinaasat pillugit ilitseruinerit Tasiilap Atuarfiani imaluunniit katersortarfiani ingerlanniarneqartassasut. GrønlandsBANKEN aamma Kommuneqarfik Sermersooq sulisumaqatigiissuteqarput kommuniq assitalimmik ataatsimiissutitut atortui Tasiilami innuttaasut atortarsinnaagaat, taamak iliorlutik aningaaserivimmi siunnersortiminnut oqarasuaatikkut emaililu atorlugit oqaloqatiginnittarnernit qanilaarnerusumik ataatsimeeqateqarsinnaaqqullugit. Neqeroorutaasorlipiffissami sivisuumi annertunerusumik atorneqarsimangilaq.

2015imi aningaaserivimmut attaveqaruminarsaanerit qaffasissumik ingerlaqqissapput, tassa imaalluni Tasiilamut ukiumut marloriarluni tikeraartoqartuarsinnaassasoq. 2015ip ingerlanerani nalilersuiffiqeqassaaq aningaaseriviup ingerlatani annertusissanerai taamak iliornikkut illoqarfiit allat aamma tikeraarneqarnissamut ammaassivigalugit.

2013ip naanerani aningaaseriviup Inuussutissarsiornermut Immikkoortortaqarfimmi assitalimmik ataatsimiisitsissut Lync, sinerissami namminersorlutik inuussutissarsiuteqartuusut siunnersuisuinik sullivimminnit ataatsimeeqatiginnissinaalersitsisoq, atorneqalerpoq.

Periarfissap taassuma aningaaserivimmit sulisumaqatigiissuteqarsinnaaneq ammaappaa. Siunissaq isigalugu eqqarsaataavoq Lync nalinginnaasumik sulisut tamat PCvisigut atorneqarsinnaasunngorlugi ilperiarfissanngortinneqassasoq.

Siunnersuinerimut taarsigassarsiniarnissamullu aqutit pitsaanerusunngorsarumallugit suliniutit GrønlandsBANKENimi sullissanut ataasiakkaanut sullissinermi pisortamit aqunneqarput pingaarnertut ikiortigalugit inuussutissarsiornermut- aammalu atuisunut ataasiakkaanut siunnersuisartut, aningaaseriviup IT-mut immikkoortortaqarfia aammalu avammut tuniniaanermi sulisuussut.

Pakkutarinninninnermik suliaqarnermi namminerlu piumassutsimik suliqataanerni akuliusimanerit

”Sulisugut periarfissaqartinneqassapput nammineq piumassutsimik aallaaveqartumik suliniaqatigiiffinni aamma suliffiup nalaani sulliseqataasinnaanissamut. Sulisutta avataani ingerlanneqartunut attaveqartarnerat siuarsarumavarput eqqortunillu sinaakkuseerusulluta sulisutta inuiaqatigiit ingerlalluarnerusut pilersinniarlugit sulinerimut peqataanissaannut kajungilersillugit. Aningaaserivillu immineq CSRIp ataani pilersaarutinut aaliangersimasunut peqataasassaaq. (Tamakkiisumik saqqummiussamit tigulaagaq).

Pakkutarinninnermik aammalu nammineq piumassutsimik suleqataaneq aallaavigalugu suleqatigiissitaliap immineq piumassutsimik suleqataanermut isiginneriaaseq aammalu taasat ataanni sulisut aningaaserivik sinnerlugu peqataanerinit maleruagassat tikuussissutit suliarisimavai. GrønlandsBANKENip nammineq piumassuseq aallaavigalugu suleqataanermut politikkiata tunngavigaa naliliineq, aningaaseriviup peqataanera siunissamut aningaasaliinerusoq aammalu inuiaqatigiit piujuaannartitsineq tunngavigalugu ingerlanissaanut pingaaruteqartumik inissisimasuusoq. Pakkutarinninnermut namminerlu piumassutsimik suleqataanissamut atugassatut 2014imi tunniunneqarput sulisut tamarmiusut sulinerminni akunnerisa tamarmiusut 1%iat. Tamatuna 3013imi immikkoortitat assigivai tamannalu isumaqarpoq akunnerit 2.000it sinnerlugit Kalaallit Nunaanni peqatigiiffinnut ingerlanneqartunullu allanut ikiuiniutitut tunniunneqartartut.

2014imi immineq piumassutsimik sullissinnermut politikki annertusarneqarlunilu ilaneqarpoq maleruagassanik CSRilu aallaavigalugu nalinginnaasumik suliffiup avataatigut akunnernik atuinnermut nalunaarsuiffissamik.

Akunnernik tunniussivigineqartut pingaernerit tassaapput pakkutarinninnermut namminerlu piumassutsimik suleqataanernut meeqqanut, inuusuttunut, ilinniagaqarnertunut, avatangiisinut, piorsarsimassutsimut timersornermullu sammisut. Saniatigullu sulisorisat CSR aallaavigalugu suleqataasarnerat nalunaarsorneqarpoq.

Ingerlanneqartut SCR tunngavigalugu akunnernik tunineqarput

Martsimi 2014 sulisut sisamat Nappaassuaq Kræft Unitsiguk! mik taallugu nuna tamakkerlugu katersuiniarnermi nammineq piumassutsiminnik ikiuullutik peqataapput, tassanilu aningaaserivik sulisut peqatigalugit 40.000 koruunit sinnerlugit amerlassuseqartunik tunniussaqlutik. 2014ip ukiaagaa sulisut arfinillit Kalaallit Meerartaat nuna tamakkerlugu katersuiniarmat peqataapput. Tassani aamma aningaaserivik sulisut peqatigalugit 16.300 koruuninik tunniussaqlarpoq.

GrønlandsBANKEN ukiut pingajussaat peeqqinnissaq pillugu ingerlanneqartumi Maaj Nuanimi aningaasaliisut annersaattut peqataavoq. Ammaallunilu arpatsitsinertaani aningaaserivimmi sulisut arlaqartut namminneq piumassutsiminnik suleqataapput.

Sulisugut katillutik 12it Nuummi Sisimiunilu Saligaatsumik taallugu eqqiaatitsinerni peqataapput. Ukioq manna aamma eqqagassarpasuit katersorneqarput ukioq mannalulussani eqqiaatitsineq ingerlanneqarportaaq. Taasani sulisugut marluk peqataapput.

Sulisugut ataasiakkaat peqatigiiffinni siulittaasutut imaluunniit aningaaserisutut, soorlu assersuutigalugu Nunatta Røde Korsiani aammalu Natteravnini (Unnuarsioqatigiittartut) sulipput. Sulisoq ataaseq ilinniartitsivoq ikiueqqaarnermik aamma tarnikkut ikiueqqaarnermik ilinniartitsisutut.

Kiisalu SCR Greenland aallaavigalugu pilersitsisartunut/aallartitsiumasunut (iværksættetere) siunnersuinnermut ingerlattanullu allanut akunnerit atorineqarput. Kingullertut minnerunngitsutulli taaneqassaaq Qassit.gl ip ataani akunnerit atorineqarsimammata pilersaarutinik aqutsilluni inerisaallunilu sulinnermut.

Aningaaseriviup immikkoortortaqarfittaani annertunerpaamik piffissaq atorineqarpoq atuarfinnermut pulaarnermut, ilinniartut katerisimaarfiinukarluni aammalu aningaaserinnermik paasinninnerulernissaq

anguniarlugu ilinniartitsinernut. Saniatigullu aamma piffissaq atornerqarpoq Sapiik-projektitut taasamut (Kalaallit Meerartaatp ataani) aammalu Qaqortumi "start up" itut taallugit pilersitsiumasunut ingerlatseqataanernut.

Taakkartorneqartut saniatigut upernaakkut GrønlandsBANKENimit aamma ingerlanneqarpoq "Assaat 230it ikiuisut" pillugu ilisarititsineq. Tassani oqariartuutaavoq sulisorisat tamarmik suliffiup nalaani nammineq piumassutsimik suliarineqartunut ikiuussinnaanerat saqqummiunneqarlunilu aningaaserivik tamatumunnga akunnerit 2.000it sinnerlugit immikkoortitsinikummat nunatsinni peqatigiiffinnik pilersaarutinullu ikiuunnissamut. Ilisarititsinerup malitsigisaanik ingerlatseqatigiit 13it saaffiginnissuteqarput taakkulu tamarmik sulisorisatsinnit ataasiakkaanit arlaqartunilluunniit suleqatigiumaneqarlutik akuersaarneqarput ikiorneqarlutillu. Aammalu suleqatigiissut 2015imi ikiorneqarnissamik neriorsorneqarsimapput, tamatuminnga pisariqartitsilerpata. Ingerlatseqatigiissut makkuupput:

- Nuummi Uumasut Pisiu (Donnas Dyreklinikimik taallugu peqatigiiffiup ataani ittoq)
- Pisiu (Pinerlutsaaliuinermut Siunnersuisoqatigiit)
- Unnuarsioqatigiittartut (Natteravnene)
- Røde Kors
- Nuuk Playground/Kommuneqarfik Sermersooq
- Meeqqat piginnaatitaaffiinik ingerlatsivik - MIO
- Kaalallit inngertartut peqatigiiffiat
- Red Barnet/Meeqqat Ikiortigit - Kalaallit Nunaat
- Nanubørn
- Mælkebøtten (taakkulu inuinnarnut nerisassiiviliorniarnerat)
- Neriuffiit Kattuffiat, Nuuk
- NSP (Nuummi sisoraatinik ujakkaartartut peqatigiiffiat)

"Assaat 230it ikiuisut" mik taallugu aqqissuussinerup ilisaritinneqarneranut atatillugu GrønlandsBANKEN 2014imi "angerlalerneq iluatsillugu ataatsimiisitsinerit" ingerlappai, tassanilu peqatigiiffiit saaffiginnissuteqartut 6it aningaaseriviup sulisuinit ikiorneqarnissaminnik pisariaqartitsinerminnik nassuiaallutik saqqummiussaqaqput.

2014imi upernaakkut GrønlandsBANKEN SCR tunngavigalugu peqatigiiffillu "unnuarsioqatigiittartut" (Natteravnene) Nuummilu Sisimiunilu ingerlasut akunnerminni suleqatigiinnissamik isumaqatigiissuteqarput. Tassani CSR itut akunnernik unnuarsioqatigiittartuni sulisut peqataasut akunnernik tunisiviginerisa saniatigut GrønlandsBANKENip unnuarsioqatigiittartunut isersimaartarfissamik toqqorsivissamillu atugassiipput. 2014imi ukiakkut unnuarsioqatigiittartunik isumaqatigiissut nutarterneqarlunilu annertusineqarpoq ilassuserneqarluni seqerfigalugit qillaallallutik qaammartartunik, unnuarsioqatigiit angalaarnerminni tunniussortarsinnaasaannik, sanatitsilluni pilersuinnissamik aammalu Nuummi Sisimiunilu ikiueqqaarnermik pikkorissaanerni nerisaqartitsinissamik aningaasaliinissamik isumaqatigiittoqarluni.

2014imi akunnerit ikinnerpaamik 1068it atornissaat anguniagaavoq. 2014im siunnerfimmit 114%iusumik akunnernik 1.227inik atuisoqarpoq. Sanilliussigaanni 2013imi procentinngorlugu siunnerfimmut naleqqiullugu 67%it atornerqarput, 2012 24%it 2011milu 28%it atornerqarlutik. 2014imi sulisut 62init amerlanerusut nammineq piumassusertik aallaavigalugit CSR aallaavigalugu akunnerit atorlugit

pakkutarinninnermik suliani peqataasimapput (taakku kisitsisaat 2013imi 40simapput, 2012imi 30iullutik 2011milu 34iusimallutik). Siammasissumik isigalugu peqataaffiit qaffakkiartuinnarnerat maluginiarparput. Piffissaq sivisunerusoq isigalugu angorusunneqarpoq GrønlandsBANKENimi akunnerit suliffiusut tamakkeeraanni, taakku minnerpaamik 1%iat ikiuniarnermut atorneqartassasoq. 2015imi siunnerfiuvoq akunnerit 1.135it CSRip ataani katillugit atorneqassasut.

Sullissarisat

Naluneqanngitsutut GrønlandsBANKEN Kalaallit Nunaata tamarmiusup aningaaserivigaa. Tamanna 2014imi ilaatigut aningaaseriviup Air Greenlandillu nutaamik suleqatigiilernerannik kinguneqarpoq taamatut iliornermi anguniarneqarluni ilinniartut paasisassarsiorlutik angalagaangamik akikinnerusumik ajornaannerusumillu angalasarsinnaanissaat. Pisoq piviusunngortinneqarpoq inuusuttut angalanermikkut nunarsuarmi allani pissutsinik paasisaqarnerulersikkumallugit. Taamak pilersitsisoqarpoq inuusuttut angalarusunneranni nunarsuarmilu pissutsinik paasiniaarusunneranni ikiorumallugit.

Suleqatigiinnermi GrønlandsBANKENip isumagisassarivaa nutaamik ilinniartunut angalaniarnermut kontoliuussinissaq atuaqatigiinnut ilinniaqatigiinnullu erniagissaartumik Nationalbankip ernialiusaanit (diskontomit) 1%imik qaffasinnerusumik erniaqartinneqartumik. Air Greenlandimik suleqateqarneq ingerlagallassaaq ukioq 2016 ilanngullugu.

Aningaaseriviup sullittagai ukiumoortumik aamma oqaloqatiginninnissamik neqeroorfigineqartassapput. Oqaloqatiginninnerni siunertaavoq akunnermi tatigeqatigiinnermik pilersitsinissaq aammalu sullissap maanna siunissamilu kissaatigisaanik pisariqartitaanillu qulaajaanissaq. Saniatigullu oqaloqatigiinnikkut paasinarsissaaq aningaaserivik sutigut pitsaanerusumik sullissinnaanersoq aamma inuiaqatigiinni aningaaseriviup akisussaaqataaneranut tunngasut eqqarsaatigalugit. Oqaloqatiginninnerit amerlassusii aningaaserivimmi uuttortaanermi ilaatinneqartarput ammali siunnerfeqarlutik taassuma iluani. 2012imi 2120inik ataatsimiititsineqarpoq tamannalu 2013inimi qaffalluni 2300inut. 2014imi ataatsimeeqatigisartakkat siammasinnerulerput taamaammallu oqaloqatiginninnissat 3.500uusussatut tagginneqarlutik. Siunnerfillu angungajalluinnarneqarpoq tassami ataatsimeeqatigineqarmata sullissat akornanni 3.391iusut. Namminersorlutik inuussutissarsiorlutik akornanni 2014ip ingerlanerani siunnesortiminnit 367it orninneqarsimapput. 2014imilu orniguffissatut 325it tagginneqarput.

Pakkutarinninnermik suliaqarnerup iluani akisussaassuseqartumik suliat 2014imi siunnerfigaat aningaaseriviup sullissaminik misissuinerani anguneqassasoq indekstal (procentinngineq) 77,5iusoq. Angusalli 75,5iupput. Tamanna taggiussamit appasinneruvoq kisiannili Aningaaserinnermik suliaqarfiusut allat uuttugaannut agguaqatigiissillugu 75iusumit qaffasinnerulluni. 2015imi 2013imi angusaq indeks 77,5 anguneqaqqissasoq siunniunneqarpoq.

Sullissat qanoq aningaaserivimmik naammagisimaarinnitsiginerannik uuttuinerup saniatigut aningaaseriviup 20imi aamma 2013imi Nuummi Sisimiunilu sullittakkat/atuisuusut qaaqusimavai eqimattatut sammisaq qulequtaatitaq pillugu oqaloqatiginninnerni peqataatikkumallugit tassanilu siunnerfilimmik isornartorsiuutinik saqqummiusseqqullugit qinnuvigalugit, aningaaseriviup inuiaqatigiinnut atatillugu inissisimanera pillugu. 2014imi piareersaatit allartinneqarput taamatut 2015imi ukiakkut aaqqissuisoqaqqissinnaannissamut tunngavissat.

2014imi GrønlandsBANKEN sullissanit 26init maalaarutinin tigusaqarpoq, tassa 2013imit 2011-imiillu 7inik amerlanerusunik. Maalaarutaasut 26it akornanni 7it tamakkiisumik ilaannakuusumilluunniit akuersaarneqarput, taakkulu 2013imi kisitsimmit marlunnik ikinnerupput. Aningaaserivimmit soqutigineqarpoq tunngavissaqartumik maalaarutaasut tamarmik suliarineqartarnissaat maleruagassanut atuuttunut naapertuuttumik imatut, sullissanut aningaaseriviup taarsigassarsitsinissamik itigartitsissutai assigisaallu pillugit aaliangiinerit paasineqarsinnaasunngorlugit saqqummiunneqartarnissaat.

Sulisorisat

Sulisorisat tassaapput GrønlandsBANKENip avammut kiinai/kiinnertartui sulisorisallu tassaapputtaaq taakkuusut aningaaseriviup sullissaanut ulluinnarni qanimut attaveqartuullutillu sullinneqartartut tigumminiinnarsinnaanerannut aqqutissiuussillutillu pilersitsisuusartut.

Aningaaseriviup inuiaqatigiinni akisussaaqataaermik suliaqarneranut atatillugu pingaartuuvoq aallarniutigalugu taassalugu, sulisut tamarluinnarmik tunissutisinermut aammalu anngiortumik peqquserlulluni/unioqquutitsilluni sulinissamik pinngitsoortitsinissamut maleruagassat nutaat pillugit ilinniartinneqarnikummata. (Sukumiinerusumik paasisaqarumasunut taaneqartut pillugit UN Global Compactimi sammineqartut innersuussutigineqarput). Pineqartumut atatillugu aningaaseriviup sulisui tamarmik sungiusaatinik sammisaqartinneqarput tunngavissianik naapertuisumik malinnissinnaanissaat qulakkeerumallugu taamaangippallu pisortaminnik oqaloqateqariartorsinnaanissaannut piareersarlugit

Nassuarneqartut saniasigut GrønlandsBANKEN ilinniartuutit ilinniartinneqartut, ilinniartitseqqiinerit, aqutsinissamut piareersaatitsinerit aammalu suliffimmi sulinikkut ilinniarterit ataanni piukkunnarsaalluni ineriartortitsinissaq eqqumaariffigisassatut inissisimatittuarsinnarpaa. Ilinniartitsineq isigineqassaaq sulisup ineriartornerata, sulinermi siuariartornissaata ilaatut taamallu aamma aningaaseriviup piginnaaneqarluartunik sulisoqarnissamik pisariqartitsinerata ilaatut kiisalu sumiiffinni ilinniartitaanerup inissisimanerani qaffassaaqaataanerit ilaatut.

GrønlandsBANKENimut pingaartuuvoq ilaatigut qulakkiissallugu aningaaserivilerinermik ilinniartunik sulisussanik sulisussaqartuarnissaq. Taamaattumik 2014imi aningaaseriviup ilinniartussat 8at tiguva, Nuummi Niuernerimik ilinniartimmi aningaaserinermut sammisunik ilinniartuusut. Taakku akornanni sisamat Nuummi najugaqartuupput sinnerilu sinerissami aningaaseriviup immikkoortortaqrifiini ilinniartuullutik. Ilinniartuutitta 2016imi naamassinissaat naatsorsuutigaarput.

Ilinniartunik ilinniartuuteqarnerup saniatigut aningaaseriviup iluatsilluarsimavaa inuusuttunik finansøkonomit ilinniagaqarsimasunik traineetut (sungiusarneqartut) atorfeqartitsisarneq. Maannamut traineet sisamat siunnersuisutut ilinniartinneqarlutik naammassisimapput.

Aningaaserinermik ilinniarterup qaavani ippoq ukiut marluk atorlugit aningaaserinermik ilinniagassaaq akademiuddannelsemik taaneqartartoq, tassanilu siorna ilinniartuutit naammassisut sisamat atuarpot. Kiisalu sulisut marluk HD-mik ilinniartut aallussippot ilimmarfik aallaavigalugu. Pisortaqrarnerup tungaatigut nukittorsaajumalluni immikkoortortaqrifinni pisortat nutaat pisortamut inerisaalluni ingerlanneqartumut ilaatinneqarsimapput.

Taaneqartut saniasigut aningaaseriviup atorpai qaffasissumik ilinniaqqinnissamik avataanit neqeroorutaasut. Assersuutigalugu aningaaseriviup 2014imi aallartippaa ukiunut marlunnut atuuttussatut Finanssektorens Uddannelsescenterimik suleqateqarneq immikkut naleqqussagaasumik ilinniartitsinermik ingerlataq suleqatigiissutigalugu. Aningaaseriviup sulisuisa pingajorarterutai sinnerlugit (inuit 40ut missingi) ittutullu inissisimasut tamarmik tassani sullissanik siunnersuineramik aammalu sullissinermik atuartinneqarsimapput soorluli maanna aamma immikkoortortaqaqfinni tamani couchimik, angusaqarluarnissaq siunertaralugu, sungiusaasartumik issiatitaqartoqartoq. Taassuma suleqatit suliffimmi ulluinnarni sulinermi aporfiusinnaasunut nukittunerusunngorsarlugit sungiusartarpei.

Aningaaserivimmi sianerluni saaffiginnittarfik sulisullu ulluinnarni saaffigineqartartuusut aammalu saaffigineqarlutik sullissinermik isumagisaqartuusut Inuussutissarsiornermiittut Imikkortortaqaqfinmiittullu tuluit oqaasiinik pikkorissarneqarsimapput. Sulisullu peqataasut malinnaaffigisimavaat ilinniartitsinerit agguluttut 28it 45 minutsikkuutaartut. 2015imi tuluit oqaasiinik ilinniartitsineq aamma inunnut ataasiakkaanut siunnersuisartunut Nuummi immikkoortortaqaqfinmiittunut neqeroorutigineqassaaq.

Ilinniartitsinermut aningaasaliineq ingerlaannartoq aqqutigalugu aningaaserivimmit naatsorsuutigineqarpoq siunissaq ungasinnerusoq isigalugu sulisut akornanni siammasissumik isigalugu piginnaanertigut qaffaanissaq aammalu suliffiup iluarisimaarineqarnerata iluini qaffaaneq anguneqassasoq.

Sulisorisat sulerusussusiat naammagisimaarinninnerallu uuttorneqartarput ukiumoortumik sulisut tungaannut misissuinikkut. Tassani sulisut ataasiakkaat ittoq qaninnerpaasartik, suleqatigiinnerup iluani pissutsit sulinermilu pissutsit allat, nalilersuiffigisarpaat. 2014imi sulisut nammagisimaarinninnerat uttortarneqarpoq kisitsisinnorlugu 79iusutut. 79imik naliliineq qaffasissuuvoq, assingusunik allanut sanilliullugu. Siunertaavoq inissisimaffiup siunissami inissisimaffigiinnarnissaa.

2014imi iluatsinneqarpoq aningaaserivimmi atorfiit inuttaasa 98,3%iisa allanngornertaqanngitsumik tigummiinnarnerat. Tamanna anguneqarpoq sulisunik pitsaasumik sullissinikkut, www.banken.gl atorluarlugu sulisussarsiorarnikkut aammalu sulisorisat ineriartortinneqarnissaanut eqqumaarissuunikkut.

2014ip naanerani sulisut tamakkerlugit 118iupput. Agguaqatigiissillugu ukioqqortussuseq 44,2juvoq suliffimmilu aalaakkaasumik sulineq agguaqatigiissillugu ukiut 9t qaammatillu 5imiilluni. Sulisuni arnat 82iupput angutillu 36iullutik. Sulisut tamakkiisut iluanni 73it aningaaserinermik ilinniagaqarsimasuupput imauunniitl qaffasinnerusumik ilinniagaqarsimasuullutik.

Suiaassutsikkut atorfillit akornanni inissisimaffik pillugu aaliangiussaavoq, siulersuisuni pisortaatitallu akornanni ikinnerussuteqartut amerlisarnissaat. GrønlandsBANKENimi sulisut arnaagunik angutaagunilluunniit malugissavaat assigiimmik suliffimmi qaffakkiartornissamut pisortanngorsinnaanermullu periarfissaqartitaagamik. Taamaammat siunnerfittut kisitsisit aaliangiussat imaapput:

Aningaaseriviup anguniagaraa, pisortat akornanni ikinnerussuteqartut qaqugukkulluunniit minnerpaamik 40%imiinnissaat.

(Aningaaseriviup inuiaqatigiinni akisussaaqataanera pillugu allassimasaanit tamakkiissup iluanit tigulaagaq).

Pisortat akornanni 2014mi arnat 47%iupput angutillu 53%iullutik. Aningaaseriviup pisortanik atorfinitsitsinerni suaassuseq apeqqutaatinnagu piukkunnassuserli aallavigalugu atorfinitsitsisarpoq.

Suliffigisap avatangiisii, Isumannaassuseq peqqinnissarlu

Suliffeqarfik pitsaasunik isumannaatsunillu avatangiiseqartoq sulisut sullissallu aningaaserivimmi ilorrisimaarnerannik pilersitsisarpoq.

2013imi aningaaserivik peqqinnissamut attuumassuteqartunik paasisitsiniaavoq ilaatigut sammitillugit kantiinami nerisassat peqqinnartut suusut, allaffimmi qasuersaarluni eqaarsaartarnissaq, suliffiup nalaani suleqatigiit akunnerminni tagiartuineramik aaqquissuussinissaat aammalu sulisut timersornermik aallussinissaannut aningaasatigut tapiissuteqartarneq. 2014imiillu taaneqartutut neqeroorutit ataavartumik atuutsinneqalerput.

Taavalu 2014imi GrønlandsBANKEN Kalaallit Nunaanni suliffeqarfinni kisiartaalluni ilisimatusarnikkut ingerlanneqartumi taaneqartumi "Take a Stand" (Nikuillattaartarit!) peqataavoq. Tassani GrønlandsBANKENip Nuummi Sisimiunilu sulisui, misittaarnermi peqataasut ilinniarpaat issiaannarpallaannginnissaq sapinngisamilli akuttunngitsumik nikuillattaartarnissaq. Ingerlanneqartoq aqutugalugu uppersaaser-niarumaneqarpoq ullut sulliviit ilaanni nikorfalluni sulisarnissap iluaquteqarnera. Taamaammatt sulisut misiligutit ingerlatami peqataasut ingerlaavartumik nalilersuiffigineqartarput uuttortarneqarlutillu niumi qulaani atortorissaarummik uuttortaasiaq ikussa q malittaralugu. Peqataasut akornanni amerlasuut misigivaat misilittaarnerup iluani sullerinnerulerlutik soorluli aamma sulisut ilaasa oqimaassutsikkut apparierneq malugisinnaasimagaat imal. malugisimagaat taliminnik qitiminnillu/kuutsiminnik anniaqqajaannginnerunertik.

Sulinermut atatillugu ajoqusernarnik nalunaaruteqarnerit 2010mi 31iusimapput, 2011imi 5iusimallutik, 2012imi 4aasimallutik kiisalu 2013imi 9usimallutik. 2013imi kisitsisip qaffariarnerani tunngaviuner-paasimavoq immikkoortortaqaarfimmi oqoqalersoorneq, ajoqut piaartumik iluarsitinneqartoq immikkoortortaqaarfiullu sulisuisa akornanni kingunerlutsitsisoqarsorinangilaq. 2014imi suliasanngor-titsilluni nalunaarnerit 3ginnaasimapput. GrønlandsBANKENimi nalunaarsugaasumik napparsimasarnerit 2014imi apparierput 655iullutik 2013imi 719iusimallutik, tamatumunngalu ilaatigut pequtaavoq 2014imi ikinnerusut sivisuumik napparsimasutut nalunaarsorneqarsimammata. Sanilliussigaanni takuneqarsinnaavoq 2012imi napparsimaneq peqqutugalugu suliarorsinnaasimangitsut 603usimasut 2011milu 1207iusimasut. Anguniagaavoq napparsimaneq peqqutugalugu ullut suliarunngitsoorfiusartut appartinneqarnissaat siunnerfiulluni kisitsisip 500nut apparinissaa. Piffissami kingusinnerusumi 2012imi aningaaserivik suliffeqarfiup qanoq issusianik nalilersuisitsisimavoq (APVmik taaneqartartumik). Nutaamillu nalilersuisitsisoqaqqissaaq (APV) 2015imi.

Avatangiisit piujuaannartitsinerlu

Ingerlaavartumik nalunaarsuiffigalugillu alaatsinaanniarpagut nukissanik assigisaanillu atuinerit ingerlatsinitsinnilu avatangiisinut sunniutaasut pingaarnarpaat, taavalu suleriesissanik pilersaarusiortuluta aningaasartuutitigut allatigullu atuinitsinnut millisaanissamut peqataanissaq siunertaralugu suliaqassaagut. Sulisut aningaaserivimmi suliinnarnissaannut kajungertisilerumalluta aamma sulilerumaartussat, sullissat aningaasaliisullu eqqarsaatigalugit kiisalu oqartussaasunik pilersuisunillu suleqateqarnerit annertusarumallugit, sulissaagut.

(GrønlandsBANKENip avatangiisinut politikianit tigulaagaq).

2014imi GrønlandsBANKENip aningaaseriviup avatangiisinut atasumik suliniuteqarnera annertusarlugulu nukittorsaaffigivaa.

Taamak iliornerani 2014imi avatangiisinut politikissaq naqitanngorlugu akuerisaasumik saqqummiunneqarpoq. GrønlandsBANKENip avatangiisinut akisussaaffeqarnermik akisussaaffeqarnera tunngaveqarpoq UN Global Compactimi ilaanermik aammalu CSR ikkut suliniuteqarnermik.

Pingaarnertut GrønlandsBANKENip avatangiisinut akisussaaffeqarneranut atatillugu anguniagaa tassaajuarpoq eqqaamajuassallugu piujuaannartitsinerimik avatangiisinillu mianerinninnissamik niuernerimik inuiaqatigiinnullu sammisunik ingerlatsinerup iluini isumaqarluartumik tunngaveqartumik suleriaaseqarnissaq. Tamanna anguniarparput avatangiisinut sunniutaasunik paasiniaanikkut nakkutilliinikkullu, suleriaasissanik tunngavissiorternertigut aammalu mingutsitserutaasinnaasunik atuinikkut killilersuinitigut, sulisut avatangiisit illersorniarlugit suliniutini peqataatinnerisigut, ilisimasatsinnik misilittakkatsinnillu siammartiterintsigut kiisalu sullissatta pilersuisuttalu avatangiisinik mianerinnillutik ingerlanissaannik eqqumaarititsinitsigut. GrønlandsBANKENip avatangiisinut politikia tamanit takuniarneqarsinnaavoq www.banken.gl aqqutigalugu.

GrønlandsBANKEN sullissat piujuaannartitsisumik aningaasaliisarnissaannik periarfissikkumallugit suliniuteqartuarpoq. Ilaatigut tamanna ingerlapparput avatangiisinut iliuuseqarnissamut attartortitsissut Nutarsaaneq atorlugu. Tassani sullinneqartup nalinginnaasumik akiliisinnaassutsimik naliliineq tunngavigalugu nammakkuminarsagaasumik atorniarinnaatinneqarpoq 300.000 koruunit tikillugit. Taarsigassarsiat atorneqarsinnaapput mingutsitserisunik atuinerimik apparsaalluni pitsanngorsaanissanut, soorlu kissarsuutip uuliatortup nutaanngitsup taarserneratigut, pitsaanerumik ussisaanermut, igalaanik matunillu taarsersuineranut, nutaamik qalialersortitsinerimut imal. seqerngup nukinganik batteriinik nukiliortussanik il.il. pisinernut. 2014imi avatangiisinut illersuiniarluni suliniutinut taarsigassarsitsissut Nutarsaaneq annertusineqarpoq aamma illuutit avatangiisinut pitsanngorsarlugit suliarinninnernut atorsinnaasunngorlugu. Kiisalu suli avatangiisinut atasumik taarsigassarsitsissutaasinnaasumik nutaamik ataatsimik pilersitsiniarneq ingerlavoq, tassani immikkut seqernup qinngornerinik batteriit ingerlasut angisuut pisiariniarnerinut atorsinnaasumik, suli taamaattut Nutarsaaneq atorlugu matuneqarsinnaanngimmata taassuma qummut 300.000 koruuninik killeqartitaanera peqqutigalugu.

2014imi ukiup naanerani Nutarsaaneq atorlugu taarsigassarsinerit 257iupput taamaattut 2013imi 189iullutik. Aningaaseriviup biilnut avatangiisinik mingutsitsisuunngitsunut (Energklasse A) atatillugu taarsigassarsisitsissutigisartagaa Minguik soqutigineqariartuinnarpoq taamallu 2014ip naanerani 82-it taarsigassarsisimallutik 2013imi 31iullutik.

GrønlandsBANKEN nukissanik atuinermini immineq siulliuvoq piujuaannartitsinermut naapertuuttunik atuinissami taamallu ililluni 2014imili Aasianni, Maniitsumi Nuummilu immikkoortortaqaqfinni seqerngup qingornerinik immerneqarlutik bateriinik atuilersitsisimalluni. Naatsorsuutigineqarpoq seqerngup nukinganik nukissiuutit sumiiffinni taaneqartuni aningaaseriviup immikkoortortaqaqfiini innaallagissamik atuineranut iluaqutaasut apparsaataalluarumaartut. Saniatigullu aningaaseriviup illuutai ingerlaavartumik nutarterneqarlutillu nukissamik atuinikinninngorsarneqartarputt. 2014imi Ilulissani immikkortortaqaqfik nutarterneqarluni naammassineqarpoq tulliuillunilu 2015inimi Qaqortumi immikkoortortaqaqfik nutarterneqassalluni.

GrønlandsBANKEN avatangiisit pillugit suliniaqatigiiffimmi Saligaatsoq mi, CSR Greenlandimit avatangiisinik illersuiniarluni suleqatigiiffiit sulliviit assigiinngitsut akimut avatangiisit pillugit suliniuteqartut ataqatigiissaariviginarlutit pilersinneqarnikuusumut, ilaasortaavoq. Suleqatigiiffimmi GrønlandsBANKEN suliffeqarfiit 7iusut ukiut 3t suleqatigalugit isumaliutissiilluagaasumik avatangiisit pillugit suleqatigiinnermi peqataassaaq. Siunnerfik ingerlanneqartoq Clean Greenland – Green Companiesimik taaguuteqartinneqarpoq CSR Greenlandimit Verdensnaturfondenimillu suleqatigiilluni ataqatigiissaarivigineqarluni. Taasat saniasigut GrønlandsBANKEN Saligaatsoq mik taallugu suleqatigiiffiup iluani ukiumoortumik saleeqatigiinnerni peqataasarpoq. Tamanna siullermeersumik 2014imi Nuup avataatigut Sisimiuni Ilulissanilu ingerlanneqarpoq, Nuummi ukiorpaalunni ingerlasoqareernikuulluni. Kiisalu aningaaserivik pilersaarusionermik gruppimi peqataavoq, ulluinnarni allaffeqarfinni mingutsiterutaasinnaasunik atuineranni annikillisaanermik qitiutitsilluni periarfissarsionermik suliaqarfiusumi. Saligaatsoq gruppi 2014imi Nunat Avannarliit Siunnersuisoqatigiiffiata Avatangiisilerisunut Akissarsisitsinissaanut innersuunneqartunut ilaavoq.

GrønlandsBANKENimi ulluinnarni avatangiisinut suliaqartitaa avatangiisit pillugit ataqatigiissaarimik/suleqatigiissuni siuttuutitaasumik aammalu sulisut siammassumik inissisimasut avatangiisilerinermik immikkut soqutigisaqartuusut akornanneersunik inuttalersugaavoq. Illuutitut akisussaataasooq aammalu pisiniarnermut akisussaataasooq suleqatigiissuni aaliangersimasumik ilaasortaapput, suliat akisussaaffigisaat avatangiisinut atasumik suliniuteqarnernut attuumassuteqartuummata. Aningaaseriviup immikkoortortaqaqfii tamarmiusut aamma Clean Greenland – Green Companies atuuksinneqalernissanik isumaginittuupput aammalu pilersaarusionerni ataqatigiissaarinernilu allatullu avatangiisinut iliuuseriniakkani akisussaasuullutik aningaaserivimmi inissisimallutik.

Avatangiisit pillugit suleqatigiissut 2014inimi aningaaseriviup tamakkiisumik avatangiisinut tunngasumik suliniutaanik katersuullutik nalunaarsuipput aammalu mingutsiterutaasinnaasunik atuinerannik nakkutiginnillutik. Katersat qarasaasianut pulatinneqartut avatangiisinut sunniinermik aammalu pineqartut iluini suliniutaasinnaasunik kiisalu apparsaassutaasinnaasunik nalilersuinernik imaqartut, 2015imi sukumiisumik avatangiisit pillugit paasisat nalunaarusionissamut ilanngunneqassapput.

Suliniutissatut pilersaarutit ilai 2014imili aallartinneqarput soorlu; seqernup qinngornerinik bateriilersuinerit, naqiterisarnermut pappialalersornermullu tunngasut aammalu toqqortuinikkut pisiniartarnikkullu aqutseriaatsinik allannguinnissat. Naatsorsuutigineqarpoq naqiterisarnermut aaqqiissutissat, pisiniartarnerup toqqorterinerullu iluani sukaterinerit aammalu avatangiissit mianeralugit pisiniartarnerit kingunerisaannik pappialanik, allaffissornermilu atugassanik allanik il.il. atuinerit appartinneqassasut.

GrønlandsBANKENip anguniagaraa atuinikkut atorluaaneruneq aqutigalugu appaanissaq aamma avatangiisinut mianerinnittumik atueqqittarneq aqutigalugu. Assersuutitut taaneqarsinnaavoq Nuummi qullersaqarfimmi PCnik taarsersuineq 2014ip upernarnerani ingerlanneqartoq. PC atornikut, sulili atorsinnaalluartut 20it sinnerlugit atuarfimmu Ukaliusamut tunissutigineqarput, tassanngalu ilai Atuarfik Samuel Kleinschmidtumut ingerlateqqinneqalutikt. Taamatut iliornikkut atuarfiit atortorissaarutit atorunnaakkat iluaqutigaat aammalu asuli avatangiisimut sunniuteqartumik eqqaavimmi ikuallaavimmik atuinissaraluaq pinngitsoortinneqarluni.

Assersuutip aappaani ippoq ullut tamaasa Qullersaqarfiup nerisarfiani nerisanik sinneqartoorutinik tunniussisarneq Nuummi Najugaqanngitsunut Unnuisarfissiamut. Unnuisarfimmit nalunaarutigineqarpoq nerisassat iluaqutaalluartumik atorneqartartut.

Taamaattumik avatangiisit pillugit suleqatigiissunit inassutigineqarpoq aningaaseriviup nerisassioertitsisarneranki annikilliliisoqassanngitsoq, aningaaserivimmit nalilerneqarmat sinneruttunik tunissuteqartarneq pakkutarinninnermi pissarsiaasut annikillilerinikkut avatangiisinut mianerinninniarnep nalinganit annertunerusut.

GrønlandsBANKENip CO2mik atuinera 2014imi 334,29 tonsiuvoq. 2013imi tamanna 145 tonsiuvoq 2012imilu 146,89 tonsiulluni. Tamatumunnga atatillugu taaneqassaaq ukioq manna CO2mik aniatitsineq ukiut siuliinut sanilliullugu malunnarluartumik appariarnikummat, aningaaseriviup 2014imi naatsorsueriaatsini inerisarnikummagu atulerlugu naatsorsueriaaseq WWF Verdensnaturfondimit Clean Greenland – Green Companiesip pilersinneqarneranut atatillugu sananeqarsimasoq. Naatsorsueriaatsimi ilaapput kiassarneq, angallassineq pisinartarnerlu. Taannalu siunissaq isigalugu naatsorsuinerni atorneqalissaaq.

Qulequttat sammisassallu UN Global Compactimut attuumassuteqartut

Martsimi 2013 GrønlandsBANKEN Kalaallit Nunaanni suliffeqarfiit aappaattut UN Global Compactimi ilaasortanngorpoq. UN Global Compactimi ilaasortaaneq pituttuivoq, qulequttat quliusut naapertorlugit Ingerlatsinissamut, ukuusunik: Inuit piginnaatitaaffii, sulisut piginnaatitaaffii, avatangiisit aammalu anngiortumik peqqusersulluni sulinermik akiuinissaq.

UN Global Compactimut ilaasortanngunnginnermi aningaaserivik misissuinermik gap-analysemik taaneqartumik ingerlatsivoq, tamatumalu takutippaa: “...pingaartuusoq suliniuteqarnerni ilanngutissallugit inuit piginnaatitaaffii, anngiortumik unioqqutitsilluni sulinermik akiuineq aammalu CSR poliikkerisamut kiisalu suliniutiginiakkanut akisussaassuseqartumik pilersorneqarnerup iluani aqutsisoqarnissaa.” (Gap-

analysemik taasamik) *Saniatigullu aamma paasinarsivoq pisiniariaatsip iluani pilersuisunut CSRimut attuumassuteqartutigit piumasaqarnissaq.*” (Gap-analysemik taasamik 2012imi misissuinermit tigulaagaq).

2014imi ataani taaneqartut iluini suliarinnittoqarpoq:

Inuit piginnaatitaaffii:

- Aningaaseriviup **suaassuseq tunngavigalugu ikinnerussuteqartunut** politikkaa siusinnerusukkut nalunaarummi taaneqarnikuuvoq immikkoortup ”suliset” ataani. Tassani aamma taaneqarpoq GrønlandsBANKENip siulersuisuini ilaasortat ataatsimeersuarnermi qinerneqartut, 2015imi januarip aallartinnerani 16,67%inik arnartaqartut 83,33%inillu angutitaqartut, pillugit isummersuutai. Siulersuisut angujumasaraat ataatsimeersuartunit qinikkatut siulersuisuni ilaasortaasut akornanni ukiut sisamat aggersut ingerlaneranni 33%imut amerlisinneqarnissaat.
- **Inuit piginnaatitaaffiisa tunngavii** pilersuisorisani isumaqatigiissuteqarnerni ilaatinneqartarnissaannik piumasaqarneq suliniutigineqalereerpoq FNimit inunnut piginnaatitaaffinnik oqariartuutasut ataqqillugillu annertunerusumik ilisimannittoqalerniassammat. 2015imi aningaaseriviup pilersuisuni pingaarnertit attaveqarfiginiarpai pilersuinermi tunngaviusut ullutsinnut naleqqussarneqarnissaat aallartisarneqarniassammat.
- Aningaaseriviup nittartagaa www.banken.gl nutaamik atorneqalerpoq 2014inimi februarip qaammataani. Tassani **isigiarsuttut** periarfissaqalerput allannernik allisitsisinnaanermut taamallu allatat atuaruminarnerulernissaannut.
- Taaneqartut saniasigut innersuussutigaagut ”pakkutarinninneq aamma nammineq piumassutsimik sulisarneq”, ”Aningaaserinermik paasininneq” aamma ”Sullissat” kiisalu ”Sulisorisat” pillugit allanneqarnikuusut.

Sulisut piginnaatitaaffii:

- **Qarasaasiatigit inuinaat attaveqaataannut politikki** suliarineqarnikuuvoq. Taamatut suliarinninnermi ilaatigit pingaartinneqarpoq suliset erseqqissumik maleruagassaminnik tunngavissaqartinneqarnissaat. Aammalu aningaaseriviup Sillimaniarnissamut- Suleqatigiinnermullu Ataatsimiitsitaliai 2015imi upernaakkut ilisaritinneqassapput.
- Suliset ineriartornissaannik siunertaqartumik oqaloqatigineqartarnerini tamani **sulisorisat oqaatsitsigut pisariqartitsinerat** (kalaallisut, qallunaatut, tuluttut) apeqqutigineqartarpoq
- Taakku pillugit innersuussutigineqarpoq ”sulisu”t atanni ”suliffeqarfik, isumannaallisaaneq peqqinnissarlu” pillugit allatarisat

Avatangiisit:

- Tassunga atatillugu innersuussutigineqarput ”avatangiisit piujuaannartitsinerlu” pillugit allatarisat.

Anngiorluni eqqunngitsuliornermik akiuinissaq (anti-korruption):

- GrønlandsBANKEN tunissutisinermi malittarisassanik ilusiliisimavoq. Tassani aaliangersarneqarput suliset sunik tunissutisinnaanerat (qanorlu naleqartunik). Tassani aamma aaliangersaallunilu

malittarisassiuusisoqarpoq qanoq sukiffartuunneqarnermut atasumik utertitsvigineqarnissamik naatsorsuutiginninnermik pilersitsisinnaasunut inissisimasoqassasoq.

- Aningaaserivillu aamma anngiorluni pinerlulluni eqqunngitsuliornernut akiuinissamut politikikiliornikuuvoq. Tassani ilaatigut soqutigisatigut aporaassitsisinnaasut, sunniinarluni akiliinerit, naqsimannilluni piumasaqarsinnaanerit, eqqunngitsuliornerit, tilligarnerit, tunissuteqarnikkut atornerluinerit aammalu ilaqtat iluini immikkut pinninnerit akuersaarumangilluinnarlugit aaliangiussisoqarnikuulluni.

Taaneqareernikuusutut GrønlandsBANKENimi sulisorisat tamarluinnarmik anngiortumik eqqunngitsuliornernik akiuinissamut tunissutisinerilu sinaakkusiat pillugit ilinniartinneqarnikuupput, taakkulu pillugit saqqummiussat qaqugukkulluunniit aamma aningaaseriviup sulisuminut nittartagaani takuneqarsinnaapput. Taaneqartup saniatigut sulisut tamarmiusut aamma sungiusaatinik sulisinneqarnikuupput aammalu akunnaattorfiusinnaasunut tunngasunik ilitsersuunneqarnikuullutik, taamak iliornikkut tunuliaqutaqartilerlugit suleriaatsi tmarlusut naapertorlugit iliornissaminnut imal. pisariaqassapat ittuminnut saaffiginnittarnissamik paasitillugit.

2014inimi sulisunut maalaarnissamut erseqqissunik malittariuussisoqarpoq minnerunngitsumik pisortarisat pillugit maalaassagaanni, uumisaarneqaraanni, immikkoortinneqaraanni, persuttarneqaraanni, qanorluunniit kusanaatsuliorfigineqaraanni, pinninnernut tunngavissanik. Saqqummiussatigut angujumaneqarpoq suliffeqarfitta ataqinassuseqartumik isikkoqarlunilu isigineqarnissaa, saqqummiunneqartullu tamanit takuneqarsinnaasunngorlugit saqqummersinneqarnikuupput GrønlandsBANKENip sulisunut quppersagaliuussaanut nutaanerpaamut ilanngullugit

Aammalu aningaaserivimmit piareersimaffigineqarpoq **whistleblower-ordning**imik, tassalu eqqunngitsuliorortoqartillugu ilisimannikkaanni illersugaalluni oqaatilliisinnanermik atuutsitsilernissamuti, Qallunaat Nunaanni aningaaserivinnitulli. Ajoraluartumilli Kalaallit Nunaanni inuit nalunaarsornerannut inatsimmi periarfissaatinneqanngilaq taaneqartutut ittumik pilersitsisinnaaneq, taamaammallu aningaaseriviup Kalaallit Nunaanni Inatsisartuni inatsisiliornissaq utaqqigallarpaa.

Aammattaaq 2015imi anguniarneqarpoq aningaaserivimmit erseqqilluinnartumik **inuit piginnaatitaaffii** pillugit politikikiliornissaq. Taaneqartutut pilersitsinissaq, soorlu aamma taamaattoq anngiortumik eqqunngitsuliornerup akiornissaanik tunissutisinernullu atasumik politikikiliorneq malitseqartinneqassasoq, aningaaseriviup sulisuinut tamanut ilisarititsinerinnaanngitsumik aammali ilinniartitsinermik malitseqartinneqassaaq.

3. Aningaaseriviup inuiaqatigiinni akisussaaqataanermut atasumik suliaanik nalilersuineq

Aningaaseriviup CSRimik (Corporate Social Responsibility / Suliffeqarfittut pakkutarinninnermi akisussaaneq) aallussinerani pingaarnertut anguniagaavoq inuiaqatigiinni piujuaannartitsineq tunngavigalugu alliertortitsinissamut peqataanissaq. GrønlandsBANKENip Kalaallit Nunaat tamakkerlugu aningaaseriviusutut pingaartippaa sulisut sulinerisa akunnerinik aammalu piginnaaneqarfiginerpaasat iluini periarfissaasuni pitsaasumik sunniuteqaqataanissaq.

Aningaaseriviup inuiaqatigiinni akisussaaqataanermik suliaqarnera ulloq manna tikillugu kinguneqartitsisimavoq avatangiisit pillugit iliuseriniakkanut taarsigassarsisinnaanermut nutaat periarfissat pinngortinneqarnerisigut (Nutarsaaneq aammalu Minguik). Ilinniartut/atuartut angalanissamut piareersarnerannut konto aammalu assersuutigalugu atuartitsinermi/ilinniartitsinermi atugassiaq attaveqaallu (Qassit.gl aama kontakt-app kiisalu assitalimmik ataatsimiissutit). Kalaallit Nunaata sineriaani immikkoortorta qarfiunngitsuni najuuttarneq akulikisuanerulernikuuvoq taamallu aningaaserivimmik aningaaserivimmullu attaveqartarneq ukiut ingerlanerini annertusisimalluni. Sulisoqarpugut ikiuukkumasunik peqatigiiffinnik pilersaarutaasullu tunngavigalugit namminneq piumassutsimikkut sullissineq aqutugalugu peqataanissamut piareersimasunik aammalu sulisoqarpugut ilinniartitsillutillu atuartitsinnaasunik siunnersuisinnaasunillu. Taakku sulipput siunertaralugu innuttaasut paasisaqarnerulersinnissaat, aningaasaqarniarnerup aningaaserinerullu iluini, angujumallugu.

Aningaaseriviup iluani inuiaqatigiinni akisussaaqataaner aallavigalugu sulineq sullississutissat nutaat pilersinneqarnerini tunngaviliisuusimapput. Politikkil/suliniutiginiakkat nutaat ataanni sulivugut, sullississutissat aammalu sulinitsinni sinaakktissat erseqqissigaalluinnartut pinngoraluttuinnarput. Saniatigullu suleqatigiinnerit nukittunerusut aningaaseriviup immikkoortorta qarfi akimorlugit ingerlasut takussaagaluttuinnalerput kiisalu sulisutta pilersitsinissamut isumassarsioinnissamullu periarfissaat annertusiartuinnarlutik, tamakkulu ilumoortumik tunniusimallunilu sulerusussutsimut qaffassaataapput. Pingaartipparput ulluinnarni isumannaatsumik tunngaveqarluta sulinissarput taamaammallu ulluinnarni sulinitsinni sapinngisamik peqqinnissaq eqqarsaatitsinniittarportaaq soorluli aamma eqqumaariffigipput piginnaaneqassutsikkut pikkorissutsikkullu siuarsartuarnissarput. Kinngullertut minnerpaajunngitsumillil naatsorsuutigaarput avatangiisit nungullarsarpallaannginnissaat aammalu nukissanut akiligassat atuinikillisaalluni nutarterinikkut seqerngullu qinngornerinik batteriit ingerlatillit ikkussornerisigut.

Aningaaserivimmit siunnerfiulluinnarpoq CSRimik aallussaqraneq 2015imi aamma qaffasissumiissasoq.

4. 2011imiit 2015imut angusat anguniakkallu pillugit takussutissiissusiaq

Ataani takuneqarsinnaapput 2011imi, 2012imi, 2013inimi aamma 2014inimi angusarisat kiisalu 2015inimi anguniarumasat.

			2011	2012	2013	2014		2015
			Angusat	Angusat	Angusat	Anguniakkat	Angusat	Anguniakkat
Pakkutarinnineq piumassutsimillu sulineq								
	CSR Greenland	Tiimit	59 %	36,9 %	120,1 %	100	31	50
	CSR immikkoortortaqaarfinnut	Tiimit	8 %	8,5 %	26,7 %	90	36	85
	CSR - Peqatigiiffinnut	Tiimit	9 %	2,4 %	57,4 %	90	304	Reg.kode peerpoqr
	CSR – Pakkutarinnineq piumassutsimillu sulineq		-	-	-	-	-	250
	CSR – Suliniutit angisuut	Tiimit	91 %	3,4 %	217,0 %	150	127	Reg.kode peerpoq
	CSR - Arctic Winter Games 2016		-	-	-	-	-	400
	CSR - Qaaqqusisuunissaq	Tiimit	25 %	51,4 %	0 %	100	28	Reg.kode peerpoq
	Assigiinngitsut CSR-suliat	Tiimit	36 %	63,7 %	104,2 %	438	700	100
	Malitseqartitsineq	Tiimit	34 %	19,3 %	25,0 %	100	Atorunnaar poq	Atorunnaarpoq
	CSR – Angujuminnassuseq	Tiimit	-	-	-	-	-	150
	CSR – Aningaaserinermik paasininneq	Tiimit	-	-	-	-	-	100
	Tiimit katillugit		28 %	24,0 %	66,9 %	1068	1226	1135
Siunnersorneqarnissamat taarsigassarsinissamullu aqutissat								
	Aasiaat	Appaaraq	Piuvooq	100 %	Ammarpoq	Naammassiv oq	Ammarpoq sumiiffimmi aaliangersi masumi	n/a
	Tasiilaq	Ukiutum tikeraartarnerit marluk	Amerlassusil	Piuvooq	100 %	1	2	2
Aningaaserinermik paasininneq								
	Ilinniartitsineq – atuarfintut pulaarnerit		Atuarfiit amerlanerit tikillugit pilersaarut ingerlavoq	OK	OK	Pulaartarnissat suli Naammass. august	Nutarterlugu naammassivoq	Pilersaar. ingerlaoq
	Ilinniartitsineq – Aningaasat aallaavigalugit pinnguarneq			Suli naammass.	Ingerlavoq		t	Piareerpoq
	Aallartitsiumasunik siunnersuineq	Tiimit		142	123	125	127	125
Oqaloqatiginninnerit								
	Sullissat	Suliff. Pakkutarinn. Ajunng.	indexAngunia kkat	73	76	77,5	77,5	75,5
	Sullissat naammagisimaarinninnera Namm. Inuuss. Aamma ataasiakkaat		indexAngunia kkat	71,5	68,5	70	71,5	74,5
	Maalaarutit		Amerl.	19	16	19	n/a	26
	Sulisut	Sulisutut inuttullu ineriartorneq	indexAngunia gaql	73,67	73,3	71	71/78	72/74
	Sulisut iluarinninnerat		indexAngunia gaql	77	79	79	79	79
Suliffeqarfimmi avatangiisit isumannaassuserlu								
	Naparsimasarnerit	Ullut		1207	602,85	719	500	655
	APV		n/a		Pereerpoq	n/a	n/a	Pissaaq 2015
	Ajutoornernik nalunaarutit	Amerl.		5	4	0 (9)	0	3
Silaanaq / Avatangiisit								
	2014iutinnagu nukissanik atuineq		n/a	146,89 t. CO2	145 t CO2	140 t CO2	-	-
	2014imiit 2016imut nukissanik atuineq		-	-	-	-	334,29 t CO2	339 (257/82)
	Avatangiisinit atornerit	Amerl.		68	138	189 / 31	300	400

Isummanik saqqummiussinissaq takanna!

Nalunaarusiamut atatillugu imal. GrønlandsBANKENip inuiaqatigiinni akisussaaqataanera pillugu nalunaarummut atatillugu apequtissaqarpit imal. ilassutissaqarpit? Tikilluaquatsigit uatsinnut attaveqarnissannut ugguuna: csr@banken.gl imal.:

GrønlandsBANKEN
Att.: CSR-styregruppen
Imaneq 33
Postboks 1033
3900 Nuuk